

# BESTELAKO XEDAPENAK

## OSASUN SAILA

### 5620

*AGINDUA, 2013ko abenduaren 23koa, Osasuneko sailburuarena, agindutako tratamendu medikoak betetzea errazteko 2013ko eta 2014ko laguntzak emateko deialdia egiten duena.*

Agindutako tratamendu medikoak betetzea errazteko laguntzak arautzen duen azaroaren 19ko 447/2013 Dekretua 2013ko azaroaren 28ko EHAA n argitaratu zen, 227. zenbakian, eta argitaratu eta hurrengo egunean jarri zen indarrean. Dekretu horretan arautzen dira gaixotasun- eta behar-egoera objektiboan dauden pertsonentzako laguntzak, betiere Euskadiko Osasun Sistemako langileek agindutako tratamendu medikoei dagokienez (horrelakoak finantzaketa publikoaren xede badira).

Dekretu horren xedapen iragankorraren arabera, laguntzek 2013ko uztailaren 1etik aurrera izango dituzte ondorioak.

Dekretuak dioenez, orobat, Osasuneko sailburuaren esku egongo dela laguntzen deialdia egitea. Zehatz esanda, 2.2 artikulua arabera, Osasuneko sailburuaren esku egongo da laguntzen deialdia egitea, honako hauek adieraziko dituen agindua emanez: laguntzak zehazteko aldiak, izapideei (zuzenekoei zein elektronikoei) buruzko zehaztapenak, eskaerak aurkezteko epea, tokia eta modua, laguntzak finantzatzera bideratutako baliabide ekonomikoak, bai eta horiek emateko baldintzak egiaztatze eskatutako agiriak eta eskaera-eredua ere; hori guztia dekretu honetan jasotako arauak garatuz eta aplikatuz.

Hori dela eta, honako hau

#### EBAZTEN DUT:

##### 1. artikulua.– Deialdiaren eremua eta helburua.

Hauxe da agindu honen xedea: Euskadiko Osasun Sistemako langileek agindutako tratamendu medikoak, finantzaketa publikoa jaso dezaketenak, gaixotasun- eta behar-egoera objektiboan dauden pertsonen bete ditzaten errazteko laguntzen deialdia egitea. Laguntza horiek 2013ko uztailaren 1etik abenduaren 31ra bitarteko aldiari eta, 2014ko ekitaldian, urtarrilaren 1etik azaroaren 30era bitarteko aldiari dagozkie.

##### 2. artikulua.– Baliabide ekonomikoak.

1.– Deialdi hau finantzatzeko baliabide ekonomikoak Euskal Autonomia Erkidegoaren Aurrekontu Orokorretan horretarako ezarritako aurrekontu-kredituetatik datoz, eta horien kopurua hamazortzi milioi eurokoak dira (18.000.000).

2.– Deialdi honetan guztira emango diren laguntzen zenbatekoak ez du diru-izendapen hori gaindituko, edo, baldin eta, indarrean dauden legeen arabera, aurrekontuetan aldaketak onartzen ez badira, ez du zenbateko hori eguneratuta sortzen den emaitza gaindituko.

3.– Era berean, deialdi honetan kontsignatuta dagoen, edo eguneratuta dagoen, kreditua amaitzen bada, horri publizitatea ematearren, Osasuneko sailburuordeak dagokion ebazpena hartuko du non adieraziko den kreditua amaitu dela. Ebazpen hori Euskal Herriko Agintaritzaren Aldizka-

rian argitaratu beharko da, azaroaren 19ko 447/2013 Dekretuaren 11. artikuluan ezarritakoaren arabera.

### 3. artikulua.– Laguntzen pertsona onuradunak.

1.– Gaixotasun- eta behar-egoera objektiboan dauden pertsonak eskatu ahal izango dituzte laguntzak baldin eta betetzen badituzte laguntza horien onuraduna izateko azaroaren 19ko 447/2013 Dekretuaren 3.1 artikuluan ezarritako baldintzak (dekretu horren bidez, agindutako tratamendu medikoak betetzea errazteko laguntzak arautzen dira), eta laguntza horien xede den gastua deialdi honetan zehaztutako aldian egin badute. Zehatz esanda, hauxe da gastu hori:

a) Gizarte Segurantzaren pentsiodun gisa aseguratuta daudenak, urtean 18.000 eurotik beherako diru-sarrerak dituztenak eta Euskadiko Osasun Sistema bermatzaile gisa duten banako osasun txartelaren titularrak.

b) Aurreko atalean aipatutako aseguratuen onuradunak, Euskadiko Osasun Sistema bermatzaile gisa duten banako osasun txartelaren titularrak badira.

c) Langabezia-egoera legalean dauden eta langabezia-prestaziorik eta diru sarrerak bermatzeko errentarik jasotzen ez duten pertsonak, Euskadiko Osasun Sistema bermatzaile gisa duten banako osasun txartelaren titularrak badira.

d) Aurreko atalean aipatutako aseguratuen onuradunak, Euskadiko Osasun Sistema bermatzaile gisa duten banako osasun txartelaren titularrak badira.

e) Estatuko Osasun Sistemako aseguratuta edo onuradun ez izan arren, Euskal Autonomia Erkidegoaren eremuan Estatuko Osasun Sistemaren osasun-prestazioak emateko araubideari buruzko ekainaren 26ko 114/2012 Dekretuaren aplikazio-arloan sartzen badira.

2.– Zehapen administratibo edo penala izateagatik diru-laguntzak eta laguntza publikoak jasotzeko aukera galdu duten pertsonak ezin izango dute lehiaketan parte hartu jasotako zigorrek ezarritako aldian. Era berean, ez dute parte hartzerik izango horretarako ezgaitzen dituen debeku legalen bat dutenek, Emakumeen eta Gizonen berdintasunerako otsailaren 18ko 4/2005 Legea aplikatzeak ekarritakoak barne.

3.– Baldin eta pertsona horiek jaso badituzte ezaugarri bereko beste laguntza edo diru-laguntza batzuk Euskal Autonomia Erkidegoko Administrazio Orokorraren edo haren entitate autonomiadunen eskutik, eta laguntza horien inguruko itzulera- edo zigor-prozesuren bat izapidetzen ari bada, prozesu horrek amaituta egon behar du, elkarte horiei diru-laguntza hau esleitzeko edo esleituta dutenei dagokiena ordaintzeko.

### 4. artikulua.– Diruz lagundu daitezkeen gastuak.

1.– Euskadiko Osasun Sistemako langileek agindutako tratamendu mediko bat betetzeko 2013ko uztailaren 1etik abenduaren 31ra bitarteko aldian eta 2014ko urtarrilaren 1etik azaroaren 30era ordaindu behar izan dituzten zenbatekoak itzuliko zaizkie pertsona onuradunei, betiere finantzaketa publikoa jaso dezaketean tratamendu farmakologikoei, eta efektu eta osagarriei dagokienez.

2.– Pertsona onuradunei itzuliko zaizkie, halaber, 2014ko ekitaldiko aldi berean ordaindu beharko dituzten zenbatekoak, Euskadiko Osasun Sistemako langileek agindutako tratamendu mediko bat betetzearen ondoriozkoak, finantzaketa publikoa jaso dezaketean produktu dietetikoei dagokienez.

#### 5. artikulua.– Izapidetze elektronikoa.

1.– Interesdunek prozedura honen izapide guztiak bitarteko elektronikoa erabiliz eskatu, kontsultatu eta egin ahal izango dituzte; hartarako, administrazioan onartutako sinadura elektronikoko sistemen bitartez identifikatuko dira.

2.– Izapidetze elektronikoa honako hauen bidez dago erregulatutik: Zerbitzu publikoetara bitarteko elektronikoen bidez sartzeari buruzko ekainaren 22ko 11/2007 Legea; Administrazio Elektronikoa buruzko otsailaren 21eko 21/2012 Dekretua; Informatika eta Telekomunikazioen zuzendariaren 2006ko otsailaren 9ko Ebazpena, E-Administrazioarako Plataforma Teknologikoa –PLATEA– ezartzen duen dokumentua onartzen duena.

3.– Eskabidearen ondorengo izapideak eta izapideen jarraipena bide elektronikoen bidez egin ahal izango dira, Eusko Jaurlaritzaren <http://www.euskadi.net/misgestiones> web-orriaren bidez, hain zuzen ere.

#### 6. artikulua.– Izapidetze erraztua.

1.– Oro har organo kudeatzaileak aurkeztu diren eskabideen eta datuak egiaztatze berariazko baimena eman duten eskatzaileen arloan ebazteko behar besteko informazioa badu bai onuradunari buruz, bai laguntzaren xedea den gastuari buruz, izapidetze erraztuaren bidez kudeatu ahal izango dira deialdi honetan araututako laguntzak.

2.– Beraz, honako pertsona hauek jaso ahal izango dute izapidetze erraztua:

a) Gizarte Segurantzaren pentsiodun gisa aseguratuta daudenak, urtean 18.000 eurotik beherako diru-sarrerak badituzte eta Euskadiko Osasun Sistema bermatzaile gisa duten banako osasun txartelaren titularrak eta beren onuradunak badira, salbu eta diruz lagundu nahi den gastua Euskadiko Osasun Sistematik kanpo egiten bada, gastu hori ordaintzeko beste eskabide bat egin beharko baita, ohiko prozedura erabiliz, hurrengo artikuluan araututa dagoena.

b) Langabezia-egoera legalean dauden eta langabezia-prestaziorik eta diru-sarrerak bermatzeko errentarik jasotzen ez duten pertsonak, Euskadiko Osasun Sistema bermatzaile gisa duten banako osasun-txartelaren titularrak badira, salbu eta diruz lagundu nahi den gastua Euskadiko Osasun Sistematik kanpo egiten bada, gastu hori ordaintzeko beste eskabide bat egin beharko baita, ohiko prozedura erabiliz, hurrengo artikuluan araututa dagoena.

c) Estatuko Osasun Sistemako aseguratuta edo onuradun ez izan arren, Euskal Autonomia Erkidegoaren eremuan Estatuko Osasun Sistemaren osasun-prestazioak emateko araubideari buruzko ekainaren 26ko 114/2012 Dekretuaren aplikazio-arloan sartzen badira.

3.– Egoera horretan dauden pertsonen I. eranskineko eskabide-eredua bete beharko dute. Eskabide horretan, Administrazioari baimena emango zaio eskatzaileak adierazten duen kontuan ordainketa egiteko. Horretarako, lehenago egiaztatu beharko da, batetik, onuraduna nor den, eta bestetik, laguntzaren xedearen gastua egin dela. Eskabidea Osasun Saileko lurralde-ordetzaritzetan eskuratu ahal izango da, bai eta Osakidetzako zentroetan, Zuzenean izeneko Herritarrentzako Zerbitzuaren bulegoetan eta Eusko Jaurlaritzaren egoitza elektronikoa ere: <http://www.euskadi.net/misgestiones>

#### 7. artikulua.– Ohiko izapidetzea.

1.– Izapidetze errazturik egiterik ez badago, ohiko izapidetzearen bidez kudeatuko dira deialdi honetan araututako laguntzak, aurreko artikuluan ezarritakoarekin bat etorritik. Honako egoera hauetan ezin da izapidetze errazturik egin:

- a) Eskatzaileak Administrazioari baimenik ematen ez badio datuak egiaztatzeko.
- b) Diru-laguntzaren xedea den gastua Euskadiko Osasun Sistematik kanpo egiten bada.
- c) Izapidetu beharreko eskabideak agindu honetako bigarren xedapen gehigarrian aipatzen diren pertsoneri buruzkoak badira.

2.– Kasu horretan, interesdunek, banako osasun-txartelaren bidez edo Euskal Osasun Sistemaren osasun-prestazioak jasotzeko bidea ematen duen dokumentu identifikatzailearen bidez nortzuk diren egiaztatu ondoren, eskabidea aurkeztuko dute, agindu honetako II. eranskineko eredu behar bezala betez. Eredu horri honako dokumentu hauek erantsiko zaizkio:

- a) Onuraduna nor den egiaztatzen duen dokumentazioa.
- b) Tratamendu aktiboaren orria edo errezetaren paperezko kopia, laguntzaren xede diren tratamendu medikoen preskripzioak dakartzana.
- c) Erositako produktuak ordaindu izanaren justifikagiriak, non adierazita dauden eskatzaileak dagokion aldian erositako produktuak eta egindako ekarpenak, elektronikoki izapidetu ez diren edo Estatuko Osasun Sistemako langileek agindutako diruz lagundu daitezkeen gastuei dagokionez,

Paperezko euskarrian edo euskarri elektronikoa (PDF formatuan) aurkeztu ahal izango da dokumentazioa.

3.– Eskabide-eredua Osasun Saileko lurralde-ordezkaritzetan eskuratu ahal izango da, bai eta Osakidetzako zentroetan, Zuzenean izeneko Herritarrentzako Zerbitzuaren bulegoetan eta Eusko Jaurlaritzaren egoitza elektronikoa ere: <http://www.euskadi.net/misgestiones>

#### 8. artikulua.–Eskabideen hutsen zuzenketa.

Diru-laguntzetarako eskabide-inprimakiak ez badira guztiz betetzen, edo haiekin batera ez bada adierazitako dokumentazioa aurkezten, erakunde eskatzaileari hamar egun balioduneko epea emango zaio hutsegitea konpontzeko edo behar diren dokumentuak aurkezteko. Hori egin ezean, eskabidea ukatutzat joko dela adieraziko zaio. Administrazioak eskabide horiei buruzko berriazko ebazpen bat eman eta jakinarazi beharko du, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 71.1 eta 42.1 artikuluetan xedatutakoarekin bat etorritik.

#### 9. artikulua.– Izapidetzeko hizkuntza.

Erakunde eskatzaileek nahi duten hizkuntza ofizialean aurkeztu ahal izango dute eskabidea eta hari atxikitako dokumentazioa. Eskatzaileak hautatutako hizkuntza erabiliko da, halaber, eska-bidetik eratorritako ekintzetan, eta prozedura osoan ere bai, azaroaren 24ko 10/1982 Legearen, Euskararen Erabilera Normalizatzeko Oinarrizkoa dena, 6.1 artikuluan ezartzen den moduan.

#### 10. artikulua.– Eskabideak aurkezteko epea eta lekua.

1.– Deialdi hau indarrean hasi eta 2014ko abenduaren 10a bitartean, edozein unetan, aurkeztu ahal izango dute interesdunek izapidetze errazturako eskabide bat.

2.– Ohiko izapidetzeari dagokionez, interesdunek gehienez bina eskabide aurkeztu ahal izango dituzte, horietako lehena deialdi hau ondorioak izaten hasten denetik eta 2014ko ekainaren 10ra bitartean eskaera, aurkeztu arte izandako gastuei dagokionez; eta bigarrena, 2014ko abenduaren

10era bitartean, bigarren eskabidea aurkeztu arte izandako gastuei dagokienez, eta, hala balegokio, lehenengoan justifikatu izan ez direnei dagokienez.

3.– Eskabideak Osasun Saileko lurralde-ordezkaritzetan aurkeztu ahal izango dira, bai eta Osakidetza osasun-zentroetan, Zuzenean izeneko Herritarrentzako Zerbitzuaren bulegoetan edo Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aurreikusitako organoetan ere. Halaber, eskabideak bitarteko elektronikoen bidez izapidetzeko aukera dago, aipatutako euskadi.net webguneko egoitza elektronikoko horretan.

#### 11. artikulua.– Ebazpena.

1.– Osasun Publikoaren eta Adikzioen zuzendariaren ebazpenaren bidez xedatuko da dekretu honetan ezarritako laguntzen onuraduntzat hartzea edota, hala badagokio, onuradun-izaera ukatzea. Horren berri Eusko Jaurlaritzaren egoitza elektronikoen iragarki-taulan emango da ([www.euskadi.net/egoitza\\_elektronikoa/iragarki-aula](http://www.euskadi.net/egoitza_elektronikoa/iragarki-aula)), bai eta Osasun Saileko dagokion lurralde-ordezkaritzan eta osasun-zentroetan ere.

2.– Edozein eratako izapideei jarraiki laguntzak jasoko duen gastua zehaztu eta gero, laguntzak esleitzeko ebazpenak Osasun Publikoaren eta Adikzioen zuzendariak emango ditu 2014ko uztailaren lehenengo hamabostaldian eta 2014ko abenduaren bigarren hamabostaldian; eta emango ditu, 2013ko uztailaren 1etik 2014ko ekainaren 10era arteko eta 2014ko ekainaren 11tik azaroaren 30era arteko aldietan egindako gastuengatik esleitutako laguntzetarako. Ohiko izapideen arabera aurkeztutako eskabideei dagozkien ebazpenek eskabideetan jasotako eskabideekiko koheren-tziari eutsi beharko diote.

3.– Aurreko paragrafoan esandakoa aintzat hartuz, izapide-modalitateetan eskabidea 2014ko ekainaren 10a baino geroago aurkeztuko balitz, laguntza-aldi guztian onuradunek izandako benetako gastuei dagokienez, eskabideak esleitzeko ebazpen bakarra emango litzateke 2014ko abenduaren bigarren hamabostaldian.

#### 12. artikulua.– Ordaintzeko modua.

Onuradunei laguntzok ordainduko zaizkie, laguntzak onartzen dituen ebazpena argitaratzen denetik eta gehieneko bi hilabeteko epean.

#### 13. artikulua.– Errekurtsoak.

Laguntzak baiesteko edo ezesteko ebazpenaren aurka, gora jotzeko errekurtsua aurkeztu ahal izango zaio Osasuneko sailburuordeari, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 114. artikuluan eta hurrengoetan ezarritako moduan eta epean.

### LEHENENGO XEDAPEN GEHIGARRIA

Euskal Autonomia Erkidegoko Aurrekontu Orokorren kontura emandako gastu-espedituentzako aurretiaz izapidetzea arautzeko buruzkoa da Ogasun eta Herri Administrazio sailburuaren 2007ko apirilaren 26ko Agindua, zeinen 5.3 artikuluan xedatzen baita deitutako laguntzen prozedura eta esleipena ebazteko beharrezkoa izango dela kreditu egokia edo nahikoa egotea EAEko 2014. urteko aurrekontu orokorretan.

## BIGARREN XEDAPEN GEHIGARRIA

18.000 eurotik beherako urteko errentetako diru-sarreraren muga arau honetan ezarritako 2012ko ekitaldian likidatutako errentari buruzkoa izango da.

## HIRUGARREN XEDAPEN GEHIGARRIA

1.– Euskal Autonomia Erkidegoan erroldatutako pertsonak II. eranskineko eredia bete beharko dute bere eskabidea izapidetzeko, ohiko izapidetzeari jarraikiz. Horretarako, MUFACE, MUGEJU edo ISFASek kudeatutako Gizarte Segurantzako araubide berezien titularrak izan beharko dute eta 18.000 eurotik beherako diru-sarrerak dituzten pentsiodunak (klase pasiboak) ere bai, betiere horien bermatzailea Estatuko Osasun Sistema bada; beren onuradunak ere bete beharko dute eredu hori, baldin eta Euskal Autonomia Erkidegoan erroldatuta badaude, eta aipatuta badaude agindutako tratamendu medikoak betetzea errazteko 2013ko eta 2014ko laguntzak arautzen dituen azaroaren 19ko 447/2013 Dekretuaren bigarren xedapen gehigarriaren 1. eta 2. idatzi-zatietan.

2.– Eskabidearekin batera, honako dokumentazio hau ere aurkeztu behar da:

a) Pentsiodun egoera (Klase pasiboetakoa edo Erregimen Orokorrekoa) egiaztatzen duten agiri ofizialen kopia eta MUFACE, MUGEJU edo ISFASek kudeatutako Gizarte Segurantzako araubide berezietako afiliazioa.

b) Euskal Autonomia Erkidegoko udalerriren batean erroldatuta dagoela ziurtatzen duen agiria.

c) PFEZren aitortpenaren kopia edo diru-sarrera gutxi izateagatik errenta-aitortpena egin beharrik ez duela egiaztatzen duen ziurtagiria.

d) Hartzen ari den tratamenduaren orria edo errezetaren paperezko kopia, laguntzaren xede diren tratamendu medikoen preskripzioak dakartzana.

e) Erositako produktuak ordaindu izanaren justifikagiriak, non adierazita dauden eskatzaileak dagokion aldiari erositako produktuak eta egindako ekarpenak, elektronikoki izapidetu ez diren edo Estatuko Osasun Sistemako langileek agindutako diruz lagundu daitezkeen gastuei dagokienez,

3.– Kasu horietan, eskabideak 10. artikuluan aipatutako epean eta tokietan aurkeztuko dira.

## AZKEN XEDAPENETATIK LEHENENGOA

Agindu honetan aurreikusita ez dagoenari aplikatuko zaio: azaroaren 11ko 1/1997 Legegintzako Dekretuaren bidez onartutako Euskal Autonomia Erkidegoko Ogasun Nagusiaren Antolarauei buruzko Legearen Testu Bategina; agindutako tratamendu medikoak betetzea errazteko laguntzak arautzen dituen azaroaren 19ko 447/2013 Dekretua, eta Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legea.

## AZKEN XEDAPENETATIK BIGARRENA

Argitaratzen den egunaren biharamunetik aurrera izango ditu ondorioak agindu honek.

Vitoria-Gasteiz, 2013ko abenduaren 23a.

Osasuneko sailburua,  
JON DARPÓN SIERRA.

2013ko abenduaren 31, asteartea

Sarrera Erregistroko  
zenbakia:

## I. ERANSKINA

Barra-kodea

**EUSKADIKO OSASUN SISTEMAKO LANGILEEK AGINDUTAKO TRATAMENDU MEDIKOAK,  
FINANTZAKETA PUBLIKOAREN XEDE DIRENAK, BETETZEA ERRAZTEKO LAGUNTZEN  
IZAPIDETZE ERRAZTUA EGITEKO ESKABIDEA**

## Eskatzailea

 Titularra

 Ordezkaria

## Datu pertsonalak

*Titularra:*

Izena: \_\_\_\_\_

Tel.: □□□□□□□□

Abizenak: \_\_\_\_\_

NAN: □□□□□□□□

OTI kodea: □□□□□□□□

*Ordezkaria:*

Izena edo Erakundearen izena: \_\_\_\_\_

Abizenak: \_\_\_\_\_

NAN: □□□□□□□□

Tel.: □□□□□□□□

## Bankuko datuak

Osasun Sailari eskatzen diot aurrerantzean nire banku-kontu honetan ordaindu diezazkidala agindutako tratamendu medikoak betetzea errazteko laguntzak:

Bankua edo Kutxa: □□□□ Sukurtsala: □□□□ K.D.: □□

Kontu-zenbakia: □□□□□□□□□□

2013ko abenduaren 31, asteartea

**Jakinazpen- eta komunikazio-bidea** Posta bidezkoa Elektronikoa

Helbidea: \_\_\_\_\_ Zk.: \_\_\_\_\_ Pisua: \_\_\_\_\_

Posta-kodea:

Udalerrria: \_\_\_\_\_

Lurralde historikoa: \_\_\_\_\_ Herrialdea: \_\_\_\_\_

Posta elektronikoa: \_\_\_\_\_

**Baimenak**

Deialdi honen erakunde kudeatzaileari baimena ematen diot administrazio eskudunean egiaztatu edo ziurtatu ditzatela honako datu hauek, bai bide elektronikoak, bai eskura dauden bideak erabiliz:

Diru-sarrereri buruzko datuak (PFEZ aitortpena edo halakorik egin beharrik ez duela egiaztatzen duen agiria).

Langabezia-egoera legalari, langabezia-prestaziorik edo diru-sarrerak bermatzeko errentarik ez jasotzeari buruzko datuak.

Laguntzaren xede den gastua aldizka egiteari buruzko datuak.

Estatuko Osasun Sistemako aseguratutako edo onuradunak ez diren pertsonen kasuan, osasun-asistentzia aitortzeari buruzko datuak (ekainaren 26ko 114/2012 Dekretua)

**Ardurapeko aitortpenak***Bateragarritasun-aitortpenak*

Honako hau adierazten dut:

- Ez naiz jasotzen ari herri-administrazioaren edo erakunde pribaturen batek emandako laguntzari, diru-sarrerarik edo baliabiderik, helburu bera duenik.
- Herri-administrazioaren edo erakunde pribaturen bati laguntza edo diru-laguntza eskatu diot, helburu berarekin; eskaria onartu didate, eta \_\_\_\_\_, \_\_\_\_\_ euroko laguntza emango didate, kontzeptu honengatik:  
\_\_\_\_\_
- Herri-administrazioaren edo erakunde pribaturen bati laguntza edo diru-laguntza eskatu diot, helburu berarekin; oraindik ez dute erabakirik hartu, eta \_\_\_\_\_, \_\_\_\_\_ euroko laguntza eskatu dut, kontzeptu honengatik:  
\_\_\_\_\_

*Beste aitortpen batzuk*

Honako hau adierazten dut:

- Ez dudala jaso inolako zehapen administratiborik edo penalik, laguntzak edo diru-laguntza publikoak lortzeko aukera ekintzen didanik.
- Ez daukadala debekurik diru-laguntzak edo laguntza publikoak jasotzen uzten ez didanik, batez ere sexu-diskriminazioagatik gertatutakoak kontuan harturik.
- Euskal Autonomia Erkidegoko Administrazio Orokorra eta haren erakunde autonomoek emandako izaera bereko laguntzen edo diru-laguntzen esparruan hasi eta oraindik bideratzeko dagoen edozein itzultze- edo zehapen-prozeduraren batean ez nagoela.
- Laguntza hauen onuraduna izateko indarrean dauden legeek ezarritako baldintzak betetzen ditudala.
- Benetakoak direla eskabide honetan eta erantsitako dokumentuetan agertzen diren datuak.

**Datu pertsonalen babesa**

Datu Pertsonalak Babesteari buruzko abenduaren 13ko 15/1999 Lege Organikoaren 5. artikuluan xedatutakoa betetzeko, jakizu zuk ematen dituzun datuak "Betetzeko laguntzak" izeneko fitxategi automatizatuan sartuko direla. Fitxategi horren helburua azaroaren 19ko 447/2013 Dekretuan araututako laguntzak kudeatzea da. Dekretu horren bidez, agindutako tratamendu medikoak betetzea errazteko laguntzak arautzen dira.

Fitxategia Eusko Jaurlaritzako Osasun Publikoaren eta Adikzioen Zuzendaritzaren ardurapean dago, eta zuzendaritza horren aurrean, datuak eskuratzeko, zuzentzeko, deuseztatzeko eta haiei aurka egiteko eskubideak erabili daitezke, honako helbide honetan: Donostia kalea 1. Vitoria-Gasteiz 01010.

Emandako datuak ezin zaizkie utzi hirugarren pertsonari edo antolakundeei, eta Osasun Sailak baino ezin izango du erabili pertsona eskatzaileei emandako laguntzen kudeaketa.

\_\_\_\_\_, 2014ko \_\_\_\_\_ aren \_\_\_\_ (a)

\_\_\_\_\_ jauna/andrea



2013ko abenduaren 31, asteartea

Sarrera Erregistroko  
zenbakia:

## II. ERANSKINA

Barra-kodea

**EUSKADIKO OSASUN SISTEMAKO LANGILEEK AGINDUTAKO TRATAMENDU MEDIKOAK,  
FINANTZAKETA PUBLIKOAREN XEDE DIRENAK, BETETZEA ERRAZTEKO LAGUNTZEN  
IZAPIDETZE OHIKOA EGITEKO ESKABIDEA**

**Eskatzailea** Titularra Ordezkarria**Datu pertsonalak***Titularra:*

Izena: \_\_\_\_\_

Tel.: 

Abizenak: \_\_\_\_\_

NAN: OTI kodea: *Ordezkarria:*

Izena edo Erakundearen izena: \_\_\_\_\_

Abizenak: \_\_\_\_\_

NAN: Tel.: **Bankuko datuak**

Osasun Sailari eskatzen diot aurrerantzean nire banku-kontu honetan ordaindu diezazkidala agindutako tratamendu medikoak betetzea errazteko laguntzak:

Bankua edo Kutxa:  Sukurtsala:  K.D.: Kontu-zenbakia:

2013ko abenduaren 31, asteartea

**Jakinarazpen- eta komunikazio-bidea** Posta bidezkoa Elektronikoa

Helbidea: \_\_\_\_\_ Zk.: \_\_\_\_\_ Pisua:

\_\_\_\_\_

Posta-kodea:      Udalerria: \_\_\_\_\_

Lurralde historikoa: \_\_\_\_\_ Herrialdea: \_\_\_\_\_

Posta elektronikoa: \_\_\_\_\_

**Eskabidearekin batera aurkeztu beharreko dokumentuak:**

- Osasun Zerbitzu Publikoaren errezeten kopiak edo tratamendu aktiboaren orria.
- Botikaren jatorrizko tiketak edo jatorrizko faktura.
- Onuradun-izaera egiaztatzen duen dokumentazioa (azaroaren 19ko 447/2013 Dekretuaren 3.1.a eta b artikuluan aipatutako pertsonak ez dute dokumentazio hori aurkeztu behar).

Aseguramendu eta Kontratazio Sanitarioko Zuzendaritzari baimena ematen diot erakunde eskudunaren aurrean egiazta dezala betetzen direla laguntzak jasotzeko bete beharreko baldintzak, eta laguntzaren xede den gastua aldizka egin dezala. Baimen hori interesdunak indargabetu dezake, berariaz. Hitzematen dut ezen, diruz lagundutako egoeraren xedea edo izaera dezente aldatzen duen gorabeheraren bat gertatzen bada, horren berri emango dudala.

**Ardurapeko aitortpenak***Bateragarritasun-aitortpenak*

Honako hau adierazten dut:

- Ez naiz jasotzen ari herri-administrazioen edo erakunde pribaturen batek emandako laguntzari, diru-sarrerarik edo baliabiderik, helburu bera duenik.
- Herri-administrazioen edo erakunde pribaturen bati laguntza edo diru-laguntza eskatu diot, helburu berarekin; eskaria onartu didate, eta \_\_\_\_\_, \_\_\_\_\_ euroko laguntza emango didate, kontzeptu honengatik: \_\_\_\_\_
- Herri-administrazioen edo erakunde pribaturen bati laguntza edo diru-laguntza eskatu diot, helburu berarekin; oraindik ez dute erabakirik hartu, eta \_\_\_\_\_, \_\_\_\_\_ euroko laguntza eskatu dut, kontzeptu honengatik: \_\_\_\_\_

*Beste aitortpen batzuk*

Honako hau adierazten dut:

- Ez dudala jaso inolako zehapen administratiborik edo penalik, laguntzak edo diru-laguntza publikoak lortzeko aukera ekintzen didanik.
- Ez daukadala debekurik diru-laguntzak edo laguntza publikoak jasotzen uzten ez didanik, batez ere sexu-diskriminazioagatik gertatutakoak kontuan harturik.
- Euskal Autonomia Erkidegoko Administrazio Orokorrak eta haren erakunde autonomoek emandako izaera bereko laguntzen edo diru-laguntzen esparruan hasi eta oraindik bideratzeko dagoen edozein itzultze- edo zehapen-prozeduraren batean ez nagoela.
- Laguntza hauen onuraduna izateko indarrean dauden legeek ezarritako baldintzak betetzen ditudala.
- Benetakoak direla eskabide honetan eta erantsitako dokumentuetan agertzen diren datuak.

**Datu pertsonalen babesa**

Datu Pertsonalak Babesteari buruzko abenduaren 13ko 15/1999 Lege Organikoaren 5. artikuluan xedatutakoa betetzeko, jakizu zuk ematen dituzun datuak "Betetzeko laguntzak" izeneko fitxategi automatizatuan sartuko direla. Fitxategi horren helburua azaroaren 19ko 447/2013 Dekretuan araututako laguntzak kudeatzea da. Dekretu horren bidez, agindutako tratamendu medikoak betetzea errazteko laguntzak arautzen dira.

Fitxategia Eusko Jaurlaritzako Osasun Publikoaren eta Adikzioen Zuzendaritzaren ardurapean dago, eta zuzendaritza horren aurrean, datuak eskuratzeko, zuzentzeko, deuseztatzeko eta haiei aurka egiteko eskubideak erabil daitezke, honako helbide honetan: Donostia kalea 1. Vitoria-Gasteiz 01010.

Emandako datuak ezin zaizkie utzi hirugarren pertsonari edo antolakundeei, eta Osasun Sailak baino ezin izango du erabili pertsona eskatzaileei emandako laguntzen kudeaketa.

\_\_\_\_\_, 2014ko \_\_\_\_\_ aren \_\_\_\_\_ (a)

\_\_\_\_\_ jauna/andrea